

Meeqqanut, Inuusuttunut, Inatsisit

Atuutsinneqarnerannut Naligiissitaanermullu

Naalakkersuisoqarfik attaveqaqatigiinnermut

piginnaasaqarluartumik AC-fuldmægtigissarsiorpoq

Naalakkersuisoqarfimmi aqutsisunik qullerpaanik Naalakkersuisumillu ulluinnarni sullissineq qaffassissoq qulakkeerniarlugit Meeqqanut, Inuusuttunut, Inatsisit Atuutsinneqarnerannut Naligiissitaanermullu Naalakkersuisoqarfimmi Aqutsisunut Allattoqarfik pikkorissumik pimoorussisumillu AC-fuldmægtigimik pissarsiorpoq. Meeqqanut, Inuusuttunut, Inatsisit Atuutsinneqarnerannut Naligiissitaanermullu Naalakkersuisoqarfimmi meeqqat, inuusuttut ilaqutariillu atugaannik pitsanngorsaanissaq qitiutipparput aamma suliaasaqarfimmi naalakkersuinikkut suliallit anguniagaannik piviusunngortitsiniarluta sulisarluta. Suliaasaqarfimmi suleqataarusukku, Meeqqanut, Inuusuttunut, Inatsisit Atuutsinneqarnerannut Naligiissitaanermullu Naalakkersuisoqarfimmi AC-fuldmægtigitut atorfik ilinnut immaqa piukkunnarpoq. Naalakkersuisoqarfimmi suliaassat ilaatigut tassaapput meeqqanut, inuusuttunut ilaqutariinnullu suliaasaqarfimmi periusissianik iliuusissatullu pilersaarutinin ineriartortitsinerit, naalakkersuinerimik suliaqartunik allakkiornertut, nassuiaasiornertut il.il. itturnik sullissinerit kiisalu suliniutit ineriartortitsinernillu suliaassat assigiinngitsut. Attaveqaqatigiinnermik sulisutut Naalakkersuisut Naalakkersuisoqarfiullu innuttaasunut, suleqatigisartakkanut tusagassiorfinnullu suliniutaat paasissutissiissutiginerini qitiusutut inissisimassaait.

Aqutsisunut Allattoqarfiup ataani atorfik inissisimavoq. Aqutsisunut Allattoqarfik suliffeqarfiuvoq kajuminnartuq aamma suliaasaqarfimmik peqqissaarussoq qaffassisunik anguniagaqarfiusoq. Aqutsisunut Allattoqarfimmi ulluinnat allannorartuupput suliaassallu unammillernartarlutik, ilaanni pisut sukkasuumik pisarput aamma piffissaasualluni suliaassat piffissamik tatisimaneqarluni naammassiniarneqartarlutik. Ullut tamarmik assigiinngiaartuupput.

Aqutsisunut Allattoqarfik naalakkersuinerimik sulialinnik sullissisarpoq, matumani aqutsisunut allattoqarfiup naalakkersuisoqarfimmi aqutsisunut qullersat allattoqarfittullu ingerlatsineq akisussaaffigineri ilanngullugit.

Atorfik pillugu

- Naalakkersuisut Naalakkersuisoqarfiullu suliniutaat suliaallu pillugit tusagassiorfitsigut nalunaarutissanik, nutaarsiassanik attaveqaqatigiittarnermilu atorussanik suliaqarneq
- Suliffiup iluani avataanilu paasissutissanik pilersaarusiornutunilu ataqatigiissarineq
- Nittartakkatta imaanik nutarterineq ineriartortitsinerlu
- Naalakkersuisut isummernissaannut tunngavissianik, allakkiat tunuliaqutaannik, § 37 naapertorlugu apeqqutit akissutaannik il.il. suliaqarnerit.
- Isumaginninnermut suliaasaqarfimmi misissuinerini, nalilersuinerini assigisaannilu aqutsineq imaluunniit peqataanerit.
- Allakkianik, aalajangiiffigisassatut siunnersuutinin assigisaannillu pitsaassutsimik qulakkeerinneqataaneq.
- Danskit ministereqarfiannik suleqateqarnerup ataqatigiissarneqarnera
- Suleqatigiinnik, isumasioqatigiissitsinnernik aamma pisortatigoortumik tikeraarnernik ataqatigiissarissoq
- Immikkoortortaqarfiup sinnera suleqatigalugu Inatsisartut ataatsimiinnerini ataqatigiissarinninnermik qulakkeerinneq.
- Ataqatigiissumik aqqissuussat attuumassuteqartut naalakkersuisoqarfimmi atorineqartut

ataqatigiissaarneri.

- Naalackersuisoqarfimmi atorfeqartunut sulisoqarnermik ingerlatsineq
- Suliassat takkussuuttut malillugit sullissineq

Suliassat tamatigoortuupput aamma suliassaqaarfiit oqaatsillu assigiinngitsut ataatsimoorlutik suleqatigiinnermi ilaasinnaaneq, kiisalu nammineq suliassanut suliniutinullu namminersorluni akisussaaffeqarsinnaaneq piumasaqaataapput. Atorfik piumasaqaatitaqarpoq suliassanut nutaanut sukkasuumik paasinnissinnaanermik tamatigoortuunissamillu, kiisalu aaqqissuussaaffiusumi naammagisimaarinnissinnaaneq tassani suliassat minnerit angisuullu paarlakaaffianni ulluinnarni ilaatigut ulapaarfiusartumi.

Taamaattumik akisussaassusermik pingaartitsisuuguit, allanngortitsinermut piareeqqaguit suleqateqarusullutillu iluaqutaassaaq. Naalackersuinikkut aaqqissugaanermik aqunneqartumik suliaqarnissamut soqutiginnittuussaatit, tassanilu ilaatigut assut ulapinnartarlunilu tunniussinissanut sivikitsunik piffissaliussaqaartarput. Iluaqutaassaaq allattariarsornikkut oqalunnikkullu ingerlatitsillaqqissuuguit ataqatigiinnernillu paasiuminaatsunik paasiniaallaqqissuullutit.

Illit pillutit

- Ilinniagartuutut naleqquttumik ilinniagaqarsimassaatit
- Isumaginninnermut suliassaqaarfimmik misilittagalik
- Attaveqartarnermik, tamanut paasissutissiisarnermik, suliniummik aqutsinermik suliamillu ingerlatsinermik misilittagaqartoq ilisimasaqartorluunniit
- Namminersorluni, aaqqissuulluakkamik inerisaarusullunilu sulisinnaasoq
- Allattariarsornikkut oqaatsitigullu atassuteqallaqqissoq
- Paasissutissat amerlasuut paasiuminaatsullu tamaasa takusinnaagai
- Suleqatinik avataanillu soqutigisalinnik suleqateqallaqqissoq
- Inuiaqatigiinnut kalaallinut kulturiannullu ilisimasaqarluartoq
- Pitsaassutsimut annertussutsinullu tunngasunut periutsinut pitsaasumik piginnaaneqaruit iluaqutaassaaq
- Kalaallisut, danskisut tuluttullu oqalussinnaaguit iluaqutaassaaq.

Meeqqanut, Inuusuttunut, Inatsisit Atuutsinneqarnerannut Naligiissitaanermullu

Naalackersuisoqarfimmi Aqutsisunut Allattoqarfik pillugu

Aqutsisunut Allattoqarfimmi immikkoortortaqaarfipput arfinillit missaannik sulisoqarpoq, Naalackersuisoqarfiup aqutsisinik qullerpaanik tapersersuisoq naalackersuisoqarfiullu immikkoortortaqaarfiinut allanut qanimut suleqateqarluni sunniuteqarluartumik ingerlatsinermut tapersersuilluni. Immikkoortortaqaarfiit assigiinngitsut ulluinnarni sullittarpagut nutsigassanik suliaqarneq ilaatigut isumagisarlutigu.

Qinnuteqarneq

Qinnuteqarnissamut ulloq killigititaq tassaavoq 18. august 2026 nal. 12.00 (Kalaallit Nunaata nalunaaqutaa malillugu)

Ulloq sulilerfissaq 1. oktober 2026 isumaqatigiissuteqarnikkulluunniit.

Paasissutissat amerlanerit

Atorfik imaluunniit naalackersuisoqarfik pillugit paasisaqarnerujumaguit, immikkoortortami pisortamut Heidi Dalagerimut attaveqarnissamut tikilluaqqusaavutit, uunga hdlr@nanoq.gl imaluunniit oqarasuaammut +299 59 13 04.

Aningaasarsiatigut atorfinitsitaanermilu atugassarititaasut

Akissarsiat atorfininnermilu atugassarititaasut, tassunga ilanngullugit atorfinitsitaanermi soraarnermilu angalanissamut akiliunneqarnissamut pisattallu nassiunneqarnerannut Kalaallit Nunaanni Namminersorlutik Oqartussat kattuffiullu isumaqatiginniarsinnaatitaasup attuumassuteqarfigisap akornanni isumaqatigiissutaasut atorfininnerup nalaani atuuttut naapertorlugit ingerlanneqassapput.

Qinnuteqartoq uppersaatitalinnik piginnaasalik immikkut siunnersortitut, siunnersortit pisortaatus siunnersortaanertulluunniit isumaqatigiissutit naapertorlugit atorfinitsinneqarsinnaasarpog.

Najugaq

Atorfimmut atatillugu sulisunut inissiamik innersuussisoqarsinnaanngilaq. Qinnuteqartoq Namminersorlutik Oqartussani atorfeqarnermini sulisutut ineqartinneqareersimaguni sulisutut ineqarsinnaatitaanini tigummiinnarsinnaavaa. Atorfimmut atatillugu ini atorfeqarnermut tunngavoq, taamaalilluni atorfeqarnerup unitsinnerani qimanneqassalluni.